

D929

U B989 BAH
MAHATHIR - EKONOMI
EMBARGO: UNTUK SIARAN SELEPAS PUKUL 10.30 MALAM INI)

KUALA LUMPUR, 30 OKT (BERNAMA) -- KAUM BUMIPUTERA AKAN TERUS KECEWA DALAM MENGEJAR KEJAYAAN EKONOMI SELAGI MEREKA TIDAK SANGGUP MENGENALI KELEMAHAN DIRI SENDIRI DAN MEMBETULKANNYA, KATA DATUK SERI DR MAHATHIR MOHAMAD.

PERDANA MENTERI BERKATA, KEBANYAKAN BUMIPUTERA AMNYA ENGGAN MEMIKIRKAN BAHAWA ADA KELEMAHAN-KELEMAHAN PADA DIRI MEREKA YANG MENYEBABKAN MEREKA GAGAL DALAM BIDANG PERNIAGAAN DAN PERUSAHAAN.

+BAHAWA ADA KEMUNGKINAN MEREKA SENDIRI BERSALAH, JARANG TERLINTAS DI FIKIRAN MEREKA,+ KATANYA SEMASA BERUCAP PADA MAJLIS MAKAN MALAM SEMPENA ULANGTAHUN KE-15 SAPURA HOLDINGS SDN BHD DI PUSAT DAGANGAN DUNIA PUTRA, DI SINI.

BELIAU BERKATA, SEWAKTU KERAJAAN MELANCARKAN DASAR EKONOMI BARU (DEB) PADA TAHUN 1970 DENGAN TUJUAN MENGIMBANGKAN PENCAPAIKAN BUMIPUTERA DENGAN BUKAN BUMIPUTERA, MASYARAKAT BUMIPUTERA DAN PERANCANG-PERANCANG EKONOMI MEMPUNYAI PEMIKIRAN YANG AGAK +SIMPLE+ IAITU YANG DIPERLUKAN HANYA PEMILIKAN 30 PERATUS PUNCA EKONOMI UNTUK BUMIPUTERA.

KATANYA, KERAJAAN MEMBUAT PERUNTUKAN BAGI MENGATASI MASALAH-MASLAH YANG TELAH DIKENAL PASTI IAITU KEKURANGAN MODAL, KEKURANGAN PELUANG, KEKURANGAN TEMPAT DAN KEKURANGAN LESEN. -- LAGI.
2127MST 30 10 90

D930

U B990 BAH
MAHATHIR - EKONOMI 2 KUALA LUMPUR (EMBARGO)

+WALAUPUN MUNGKIN KERAJAAN TIDAK DAPAT MENYELESAIKAN SEMUA MASALAH TERSEBUT BAGI SEMUA BUMIPUTERA YANG MEMASUKI BIDANG PERNIAGAAN DAN PERUSAHAAN, TETAPI RAMAI DI KALANGAN BUMIPUTERA YANG MENDAPAT BANTUAN DAN SOKONGAN YANG PENUHPUN JARANG SEKALI MENCAPAI KEJAYAAN YANG DIHARAPKAN.

+HANYA BEBERAPA ORANG SAHAJA YANG BENAR-BENAR BERJAYA= SEMENTARA YANG LAINNYA BERJAYA BUAT SEMENTARA SAHAJA. DAN RAMAI PULA YANG MENGALAMI NASIB YANG LEBIH BURUK SETELAH MENDAPAT BANTUAN DAN SOKONGAN DI BAWAH DEB,+ KATANYA.

PERDANA MENTERI BERKATA, PERKARA ITU BERLAKU KERANA DALAM KEGHAIRAHAN MEMASUKI BIDANG KOMERSIL, AHLI-AHLI PERNIAGAAN BUMIPUTERA TIDAK MEMBERI PERHATIAN YANG SEWAJARNYA KEPADA ETIKA PERNIAGAAN DAN PENGETAHUAN PENGURUSAN, TERUTAMA PENGURUSAN KEWANGAN.

KATANYA, SEBAB ITU, RAMAI YANG DAHULU TIDAK MENANGGUNG SEBARANG HUTANG TELAH BANYAK BERHUTANG SEHINGGA TIDAK BERUPAYA MEMBAYAR BALIK.

+MEREKA INI MENUNTUT SUPAYA DIBERI PROJEK TAMBAHAN UNTUK MEMBAYAR HUTANG. TETAPI PENDEKATAN INI KERAP KALI HANYA MENINGKATKAN TANGGUNGAN HUTANG MEREKA,+ KATANYA. -- LAGI.
2130MST 30 10 90

D931

U B991 BAH
MAHATHIR - EKONOMI 3 KUALA LUMPUR (EMBARGO)

DATUK SERI DR MAHATHIR BERKATA, RAMAI YANG MENJADI BANKRAP APABILA KEMELESETAN EKONOMI BERLAKU DAN BAGI MEREKA INI DEB HANYA MEMBAWA NASIB YANG LEBIH MALANG.

KATANYA, MEREKA MENGUTUK KERAJAAN, PEGAWAI KERAJAAN, DASAR KERAJAAN, BANK, ORANG BUKAN BUMIPUTERA, ORANG ASING, KEMELESETAN, POLITIK, PENYELEWENGAN DAN SERIBU SEBAB YANG LAIN.

RAMAI JUGA YANG MEMBUAT KEPUTUSAN UNTUK MENUKAR KEPIMPINAN KERAJAAN DENGAN ORANG-ORANG YANG BERJANJI AKAN MENGHAPUSKAN HUTANG MEREKA DAN MEMBERI PROJEK UNTUK MEMBOLEHKAN MEREKA MENJADI KAYA, TAMBAHNYA.

PERDANA MENTERI JUGA BERKATA, KEJAYAAN SESUATU KAUM ATAU BANGSA TIDAK BERGANTUNG KEPADA WARNA KULIT, KETURUNAN, AGAMA, IKLIM, ALAM SEKITAR ATAU KAUM LAIN, SEBALIKNYA IA BERGANTUNG KEPADA KEBUDAYAAN DAN NILAI HIDUP KAUM ATAU BANGSA ITU.

KATANYA, JIKA SISTEM NILAI YANG DIAMALKAN OLEH SESUATU BANGSA ITU TIDAK SESUAI DENGAN KEJAYAAN, MAKA TIDAK MUNGKIN BANGSA ITU BERJAYA. -- LAGI.

2132MST 30 10 90

D932

U B992 BAH
MAHATHIR - EKONOMI 4 KUALA LUMPUR (EMBARGO)

KATANYA, INI TIDAK BERMAKNA SESUATU BANGSA TIDAK MUNGKIN BERJAYA SELAMA-LAMANYA KERANA KEBUDAYAANNYA TIDAK MENGIZINKAN KERANA KEBUDAYAAN SESUATU BANGSA ITU TIDAK SAMA SEPANJANG MASA, SEBALIKNYA BERUBAH DENGAN SENDIRINYA DAN JUGA BOLEH DIUBAH DENGAN SENGAJA, SAMBIL MENJELASKAN BAHAWA ANTARA PENGARUH YANG BOLEH MENGUBAH KEBUDAYAAN DENGAN SENGAJA IALAH PENDIDIKAN.

BELIAU BERKATA, SEMENTARA ILMU TERTENTU DITAMBAH, KEBUDAYAAN PULA TERDEDIAH KEPADA PENGARUH YANG TIDAK MUNGKIN DAPAT DIKAWAL DALAM ZAMAN INFORMASI INI.

+TANPA SATU USAHA YANG TERSUSUN UNTUK MEMBENTUK KEBUDAYAAN YANG BAIK, SENGALA PENGARUH YANG BURUK ATAU YANG TIDAK BERGUNA DISERAP DAN MENJADI SEBAHAGIAN DARIPADA KEBUDAYAAN ORANG MELAYU DAN BUMIPUTERA SEPERTI YANG BERLAKU SEKARANG,+ KATANYA.

+SOAL-SOAL INI MESTILAH DIBERI PERHATIAN OLEH MASYARAKAT. KERAJAAN AKAN MENUMPUKAN PERHATIAN KEPADA PEMBENTUKAN NILAI-NILAI YANG DIASASKAN KEPADA NILAI ISLAM YANG MEMANG BERJAYA MEMBENTUK UMAT ISLAM YANG BERJAYA SEMENJAK DI ZAMAN PERMULAAN ISLAM.

+JIKA UMAT ISLAM SEKARANG INI MUNDUR, BERPECAH DAN SERING MEMINTA-MINTA WALAUPUN KAYA, SEBABNYA IALAH NILAI ISLAM LEBIH DISEBUT DARIPADA DIAMALKAN DAN NILAI-NILAI INI SENDIRI TELAH DITAFSIRKAN OLEH ORANG-ORANG TERTENTU UNTUK KEPENTINGAN DIRI MEREKA,+ KATANYA. -- LAGI.

2134MST 30 10 90

D933

U B993 BAH
MAHATHIR - EKONOMI 5 KUALA LUMPUR (EMBARGO)

PERDANA MENTERI BERHARAP RAKYAT BUMIPUTERA AKAN MEMBERI KERJASAMA DAN SOKONGAN APABILA KERAJAAN BERUSAHA UNTUK MENJAYAKAN DASAR-DASAR EKONOMI YANG BOLEH MENGIMBANGKAN KEDUDUKAN MELAYU DAN BUMIPUTERA DENGAN KAUM-KAUM LAIN.

+ORANG-ORANG TERTENTU TETAP AKAN MENGAMBIL KESEMPATAN UNTUK MEMAJUKAN KEPENTINGAN POLITIK MEREKA, TETAPI SEBALIKNYA DIHARAPKAN RAKYAT AKAN TAHU SEBAB-SEBABNYA MEREKA MEMBUAT PENDIRIAN TERTENTU,+ KATANYA.

DATUK SERI DR MAHATHIR JUGA BERKATA, KERAJAAN AKAN MEMPERUNTUKKAN LEBIH BANYAK WANG BAGI USAHA-USAHA PENYELDIKAN DAN PEMBANGUNAN (R \$ D), +WALAUPUN KITA TIDAK PERLU SELALU ORIGINAL DALAM MENCIPTA SESUATU.+

KATANYA, SEBENARNYA MENIRU TEKNOLOGI ORANG LAIN IALAH AMALAN BIASA YANG DIBUAT OLEH SEMUA NEGARA INDUSTRI MODEN.

PERDANA MENTERI BERBANGGA DENGAN KEJAYAAN SAPURA YANG BUKAN SAHAJA DAPAT MENCIPTA DAN MEMBUAT ALAT-ALAT TELEKOMUNIKASI YANG MODEN TETAPI JUGA BERJAYA MERAHAI KEUNTUNGAN DARIPADANYA. -- BERNAMA.
2136MST 30 10 90